

五邊典則

顧廷龍署



五邊典則

周禮卷之四

五邊典則卷之十六

信安徐日久子卿父集

勾餘施邦曜爾

閩漳張 熒紹和父

正德四年三月管束莊浪土兵都指揮魯經
奏土人家口重大不可一時缺人管領欲存
留本邊防禦免聽鄰境徵調兵部言經世受
國恩而適已偷安宜諭令撫綏土人嚴加約束
如鄰鎮有警調發卽率所部馳赴以振家聲
毋擁兵誤事自貽罪悔仍行陝西守臣審處

機務勿輕徵調從之

哈密忠順王速壇拜牙郎請釋弘治祿編骨
廣西夷人克伯亦等九人聽回衛甘肅守臣
言克伯赤叛其本主而附土魯番引兵破哈
密城池致屢大將遠征始克平定

朝廷安置嶺表已從輕貸今速壇拜牙郎年幼
無知爲其下所使故有此請詢之復啓亂階
兵部議從其言請

勅速壇拜牙郎及都督奄克孛刺寫亦虎仙翰

以叛逆難釋之義報可

六月先是弘治十七年二月虜以三百餘騎入寧夏鎮安墩分守寧夏東路右叅將霍思命慶陽衛千戶袁鑑百戶王進等於腹裏倉官堡哨探進等輒遊獵至磨盤山遇賊而遁鑑及所部歿傷者三四人而忠觀望不救十八年九月總兵李祥領兵四千八百守寧夏城副總兵衛勇以兵三千伏清水營祥以兵部檄令忠與勇整兵擊虜且檄延綏守臣令

叅將王戟駐花馬池十月十六日忠等怠於
警備虜以二十餘騎入自石舊兒等墩伏野
麻湖沙岡忠聞之使告寧夏鎮總及勇戟明
日虜數千騎又入伏沙窩忠乃令千戶張歛
司祿以百人前哨自率馬步二千繼之歛離
花馬池城十里爲賊所圍所部戰歿者二十
七人忠出城三里止營率馬步二千赴援而
沙窩伏賊突出忠還營賊方合衆攻圍望見
王戟領兵至城東分兵逆戰勢稍分忠移營

城北兩軍戰歿者指揮唐彪等百六十人賊
稍退戰入城及指揮李澄督兵出北門與忠
合戰賊乃少挫遂散掠鎮戎固原諸處經從錦
鷄口出境而祥勇兵在石溝兒與賊相背及
鎮守太監葛全都御史劉憲俱不能督兵要
遮既而忠樞歿賊首級以爲己功且奏罪王
進等鎮巡太監王宣等奏其事進亦上章自
辯

勅給事中吳鐸會鎮巡等官鞠之至是都察院

覆奏有

旨忠等守備不設爲賊掩襲死傷過多雖有微
功不足贖罪進遇賊先遁俱坐斬戰進兵延
遲損軍亦衆但奮勇解圍又年已老准贖金
降一級勇降俸一級各仍舊任用心殺賊祥
既去任罰米二百石輸延綏邊倉又諭兵部
今後失機官不得廣緣別用

間九月初虜伏大衆于延綏邊外遣輕騎入
攻新興堡副總兵侯勛出兵禦之至單窰兒

伏起被圍叅將周誠指揮岳廉聞警往援至
師婆澗亦被圍困縱馬出營虜爭掠之乃乘
亂步戰至寧邊墩得與勛遇而圍始解前後
斬獲九十餘級我軍死者亦畧相當所喪馬
二千七百餘匹是後賊遂入境散掠復圍困
總兵吳江於龍州城會叅將王勛統兵至與
江夾攻賊乃退於是總制尚書才寬及太監
劉保都御史徐以貞等以捷聞巡按御史胡
瓚勅奏侯勛等輕率無謀宜械繫治罪吳江

等宜降

勅切責兵部議臨敵不可易將乞令勛等戴罪
殺賊以圖後功并叅保及以貞怠緩誤事得
旨侯勛等及江等俱令戴罪自効事寧之日議
所坐官軍爲賊殺虜并有功陣亡者俱令巡
按御史查實以聞

十二月虜酋亦孛來部衆入套駐牧乘隙屢
寇邊境總兵馬昂統領官軍與戰木瓜山等
處斬獲賊首三百五十六顆生擒男女九人

奪獲戰馬二百一十匹駱駝二十四獲牛羊
四百一十五獲虎鬚弓箭二千九百二十六
件番文三本昂與鎮守太監劉保巡撫都御
史黃珂各以捷聞得

旨保等寫

勅獎勵所遣齎捷者各陞一級賞紵絲衣一襲
新鈔千貫

五年正月虜寇莊浪巡撫都御史張翼鎮守
太監宋彬總兵衛勇督遊擊將軍吳英叅將

吳鉉都指揮魯經等禦之左監丞王欣副總
兵徐謙繼後虜敗走斬首百五十八級各以
捷聞

陝西近邊城堡有防冬官軍及春例放還至
是以虜住河套不代者已三年總兵曹雄奏
邊事稍寧請如例暫放且自乞還鎮兵部議
許之兵部言今寧夏有事各邊備冬官軍宜
仍存留聽調但上班既久艱苦萬狀又寧夏
各城及延綏甘涼官軍亦皆可憫請量加賞

以示優恤乃

命發太僕寺銀三十萬輸各邊給賞上班馬軍人二兩守城操備及坐軍人一兩寧夏鎮城從逆官軍有能擒賊效順出城者亦賞一兩餘者貯陝西官庫以補邊餉

七月兵部覆延綏鎮巡奏本鎮切近虜境近缺遊兵三千人至選墩軍以充又增脩墩臺之軍防守舊有招募土兵一萬三百餘名及歸農舍餘一千一百餘人宜行各官於土兵

內精選五千人收發各衛編伍食糧以備戰
守其餘分爲兩班備禦冬春遇有警急聽將
歸農舍餘取撥防守從之

總督軍務太監張永奏寧夏興武營新設守
禦千戶所極臨沙漠軍伍單弱徃徃失利乞
將革爵寘鐫府隨侍百戶旗軍九十一名改
撥食糧差操餘丁三百餘名隨營居住逃故
二十一名清勾補伍兵部覆請從之

六年七月廿肅守臣會奏土魯脊速壇阿黑

麻之子真帖木兒羈畱已久宜厚其宴賞轉
令哈密送回以杜後患兵部會議謂真帖木
兒父歿兄存其去畱亦不足係虜情之向背
不若縱之仍

勅其兄速壇滿速兒及哈密忠順王速壇拜牙
郎令脩政睦鄰未通職貢從之

十月虜犯陝西山丹境守備都指揮張鵬禦
之戰于獨峯山湖斬首六十五級再犯甘州
西北副總兵白琮等與戰于黑柴溝斬首百

五邊典則 卷十六
六十三級并各獲馬駝牛驢及器械甚衆巡撫都御史張翼總兵衛勇王勛各以捷聞甘肅巡撫都御史張翼總兵王勛奏虜入寇都指揮張鵬傳德與戰于新河北山坡斬首一百八十六級張翼王勛復奏虜寇涼州督副總兵蘇泰遊擊將軍吳英等禦之於姚家寨斬首二百四十七級

詔以翼勛累有戰功翼陞俸一級勛賞大紅紵絲蟒龍衣一襲泰英飛魚衣一襲各

賜勅獎勵秦捷人陞賞如例有功及陣亡官軍
御史勘明以聞

虜酋亦卜剌阿爾朮斯與小王子離殺率衆
散處莊涼境外屢入寇盜分守涼州副總兵
蘇泰與戰于大河灘先後斬獲首級一百一
十三顆奪獲馬匹器械捷聞

詔賜勅獎勵

十二月張翼王勛奏虜入寇副總兵蘇泰等
與戰于大沙窩斬首百有七級副指揮同知